

MY BIBLE FIRST

PRIMARY YEAR A
Q 3 #34

Gam Lakah Langdona

SUNDAY


1 Khat vei leuleu, Israel tate in Pasian vangliatna muanglo zel uh hi. A thahat galte a tenna Canaan panin amaute hawlkhia zo kei ni a ci thukansim sawmte thugen up ding teel zaw uh hi.

Sinai a mi kisimna ah kum 20 leh a tungsiah galkapte lak ah a citak thukansim nihte ahi Caleb le Joshua simloh avek un Canaan gam lutlo ding cih Pasian in genkhin zo hi. Tua agen zawh kum 38 bang hong cingto ding hita hi. **Thuhilhkikna 2:14.**

Mite in tua thu a zak ciangun nuam hetlo uh a, a lungsim uh manlang takin kheel uh hi. Mawh khin ahih lam uh hong pulak uh hi. Moses kiangh Canaan gam sim nuam ung ci-in hong genkik uh hi. Pasian leh Moses in hih mite kikheel takpi lo cih tel lua hi. Amaute tawh Pasian omkhawm lo ding ahih lam Moses in teltak-in genkhin hi napi, pawlkhatte in Canaan mite do dingin kuan veve uh hi. Pasian in ompih lo ahih manin, Amalek mite leh Canaan mite in amaute zo gawp in mi tampi that uh hi.

Amalek mite tawh a kido masak lai un, Joshua galkapte in Pasian muang uh ahih manun Israel-ten galzo uh hi. Aaron leh Hur te in Moses khut alap toh nading letsak in gal a zawh lai uh na phawk lai hiam? Tutung zong galzo-kik ding kisa kha uh himai ding hi. Ahi zongin, tutung-in Pasian in thupha pia lo hi. Eite i kisik-kik takpi ciangin kiheikik in, thumanglo kik in i om hiam? Hih mite a kisik-kik takpi uh hiam?

A vante uh kithawi leuleu in, gamlak ah khat vei paikik uh hi. Amaute lungnuam lo uh hi.



KAMNGAH

Na khempueh phun lo kisel loin sem un.
Philippi 2:14, ZSV.

Do all things without murmuring and disputing. Philippians 2:14



NGAIHSUN-IN: Na khatpeuh i hih khialh khit ciangin kisik takpi i hihna ki koici theih ding i hiam? Sorry cih ban ah bangte i sem nuam ding hiam? Sepkhialhna ahihkeh ngaihsut khialhna hangin dahtakpi kei le hang i lung a dam takpi thei ding hiam?


MONDAY

2 Giahphual ah buaina hong kipankik hi. Hih lai ah makai thum om hi. A makaipi Korah hi a, Dathan le Abiram pen adang nihte ahi uh hi. A thum un mi thupi vive hi uh a, a sawtlo in makai dang tampi-in amaute pawlpah uh hi.

Korah lungkim lohna sawt veipi hi khin hi. Amah in Moses le Aaron haza hi.

Levite minam khat ahih manin, biakbuk nasep huh khin zo hi. Ahi zongin siampi ahih theihloh nading thu mulo hi. A taktak in, amah siampi lianpen ahi dingin kilawm pen kisa hi.

Korah lawmte ahi Dathan le Abiram te Reuben beh makaite ahi uh hi. Reuben pen Jacob ta upa pen ahi hi. Pasian in ta upa za tapa dangkhat tungah pia khin hi napi, Dathan le Abiram te in mipite makaih nasep ahi



© sweetpublishing.com; License—http://creativecommons.org/licenses/by-sa/3.0/


Moses nasep pen amau sep ding hi, ci uh hi.

Korah leh a lawmte in mipite hoihtak hopih uh a, amaute tunga thupiang khempeuh ah Moses mawh-sak uh hi. A sawt loin, mi tampi in amaute pawl uh a, Moses hih dinga a ngaihsut thu pen genkhiat ding hong khentat ta uh hi. **Gamlakvakna 16:2, 3** sim in.

Manlangtak-in Moses in thungen pah hi. Tua ciang-in Moses in amaute kiangah Pasian in kua siangtho takpi a, siampi lian nasep sem dingin deih hiam cih hong gen ding hi, ci hi. Bang tawh sit hiam? **Aneu 4-7.**

A zingciang in, tua lai ah Korah om himah leh adang makai nihte omlo hi. Moses in amaute a sapsak ciangin bangci aw khauh tawh dawng hiam? **Aneu 12.**

Moses in bang hih ding gen hiam? **Aneu 16-18.**

 **NGAIHSUN-IN:** *Makaite phunsanna hangin Miriam tungah bang piang cih mite leh makaite in bangzah in mangngilh baih zen uh! Tu in tua sanga khauh zaw hihna ngah ding uh hita hi. Bang abi tam?*

TUESDAY

Pasian in Korah, Dathan, le Abiram it hi. A **3** nunung pen hun dong buaina tampi a piangsak amau gitlohna hangin dah in thum theih nading teel theihna nei lai uh hi. Himah lo hiam?


A zingciang in, Korah leh adang makai 250te in biakbuk mai-ah amau paaknamtui halna beel ciat uh tawh om uh hi. Mite in bang piang ding cih linglawngsa in ngak uh hi. Dathan le Abiram te amau puanbuk sungah omlai uh a, Moses in amaute a nunung pen hopih dingin a pai ciangin Korah in zong amaute pawlpah dingin zui hi. Amaute lungsim kikheel nading a hanciampih hangin, amaute kikheel lo uh hi. Amaute kikheel ngeilo ding cih Pasian in thei khin hi.

“Hih mite puanbuk panin mipite a kihep khiat ding gen in” ci-in Pasian in Moses gen hi. “Amaute’ na khatpeuh lawngkha kei un” zong cilai hi.

Manlang takin mipite nungkin pah uh hi. A lauhuai

na khatpeuh a pian ding amaute lau uh hi. Azom ah bang thu piang hiam? **Gamlakvakna 16:28-35** sim in.

Hun tawmno sungin, avek in mansiang hi. Satan um in Pasian langpanna ding teelna bangzah in lauhuai hiam cih Pasian in lak hi. **1 Samuel 15:23** sim in. Mi khatpeuh in Pasian langpan ding a teel ciangin, dawi aisante banga Satan a bia tawh kibang hi.

 **NGAISUN-IN:** *Na ut a na ut kei zongin thu na man kul hun a om ngei hiam? Tua ah nang teel-theihna omlo cihna a hiam? Oh, hilo hi! Thumang ding maw, lungkhauh ding cih na teel ding kisam veve hi. Tua banga thuman ding na teel ciangin, nang nabihkeh na nu le pate a lungdam hiam? Kua lungdam hiam?*



WEDNESDAY

4 Vantung ah Satan in vantung mite a zol bang dan lian-in Korah in sem hi. Amah leh a nung-zuite in Israel mite giahbuk ah langdona a kizelh-sak zia siam mahmah a, mi tampite in amaute mi hoih takpi mah hi ci in mu lai uh hi.

Korah leh a lehdo dangte tungah hih thuteng a pian khit a zingciang in, Moses in bang hih khin ci-in mipite in gen uh hiam? **Gamlakvakna 16:41.**

Moses leh Aaron te bangzah in lungkia uh! Bangzah in Pasian dah hiam!

Pasian in Moses tawh a kihona ah mite in Ama vang-liatna mu khin uh hi. Moses hong kilehkikna ah, a mai taang pempam mite in mukhin uh hi. Amaute

in Pasion in mite a makaih dinga Moses teel ahihna matlap tampi nei uh hi. Moses leh mite a kiho laitakin pasian in limdang khat amaute pia lai hi. **Aneu 42.**

Siampi lian kua hi a, kua kiteel cih Pasion in koi bangin telciansak lo hiam? Moses in bang ahih dingin Pasion in sawl hiam? **Gamlakvakna 17:1-5.**

Beh khat panin makai khat ciat in a ciangkhut uh hong paipih a, a tungah a makaite min kigelh ciat hi. Aaron ciangkhut zong tua lak ah om hi. Moses in tua ciangkhutte tawh bang hih hiam? **Aneu 7** sim in.

A zingsang ciangin, makaite in bang thu piang cih a mu dingin hong paikik uh hi. Ciangkhutte a en dingin biakbuk sungah Moses lut hi. Bang mu hiam? **Aneu 8.**

Aaron ciangkhut amuh uh ciangin beh makai dangte in bangzah-in lamdangsa ding uh hiam? Pasion in kua teel cih muanmawh nading om nawnlo hilo hiam? Tu in, amaute in Korah leh a pawlte a khialh lam tel ta uh hi. Amaute in Pasion langdo khin uh hi.



NGAIHSUN-IN: *Korah in bang thukham palsat hiam? Eite in midangte thu, adiak in Pasion' teel makaite thu, bangci gen cih kidop ding a thupi hiam?*

THURSDAY

5 A siangtho singkuang sungah Aaron ciangkhut kikoih hi. Thupiak Sawmte' gei-ah na dangkhat zong om khin hi. Tua in manna a kiat masak pen ni a Aaron in a kaihkhopte a koihna khamkuang ahi hi. **Hebrew 9:3, 4.**

A siangtho singkuang sunga om na thumte in Israel mite bang thu phawksak hiam? Khatna ah, Pasion in Ama ukna kikheel ngeilo cih i phawk ding deihi. Tua thute manna in eite lungdam nading leh Satan kiang pan suahtak nading lampi khat bek ahi hi. Tua hangin, Amah ngiat in suang tungah agelhi ahi hi.

Aaron ciangkhut in, Pasion in eite hong makaih in Amah a huh ding mite zang hi, hong phawksak hi. Ama kamtai-te, kamsangte i lehdo ngeikei ding hi.

Manna in Pasion in eite hong donden cih hong phawksak hi. Amah i muang thei hi. Nasep i buai ma zingsang sim in thungetna leh Lai Siangtho simna tawh

hun i zatkhop ding hong phawksak hi. **Matt. 4:4.** sim Tua in Sabbath ni pen ni siangtho a hihna zong hong phawksak hi. Tua ni in Manna kia lo a, zong kisia lo hi.

NGAIHSUN-IN: *Hihite i phawk ding a kisam lai mah hiam? Satan in i mangngilh ding a hanciam lai hiam? Sawtpi lai-a Israel tate' bangin Pasion tungah kingak ding i kisam hiam? Satan in amaute avek un susia cip nuam a, ahi zongin Pasion in amaute a itna bei ngeilo hi. **Malachi 3:6** leh **Paunak 3:12** te in Pa Pasion leh Tapa Pasion, Jesu thu bang hong gen hiam?*

FRIDAY

Nang adingin kum 40 sawt nasa hiam? Tu zawh kum 40 ciangin kum bangzah na pha tam?

6 Pharaoh kiang pan a taikhiat in Moses kum 40 pha hi. Tua khith ciangin, kum 40 sung tuucingin om a, gamlak ah Israel mite kum 40 sung makaih hi. Tua khith ah Moses kum bangzah kim a pha tam?

Moses sangin Aaron u zaw a, Miriam u pen hi. Egypt gam-a gun nawl-ah a laam diaidiai Moses kikoih-na lawh cingin a om lai hunte ngaihsunsun kha mai ding hi. Tua khith zawh thu tampi piang khin zo hi. Ahi zongin gamlak ah kum 40 a cin kuan ciangin Miriam si ta hi. **Gamlakvakna 20:1.**

Gamlak ah a om hun sunguh, mun khat panin mun khat ah mite kikhin kawikawi hi. Tu in ahih leh, sawtpi pek-a Pasion in a ciam ahi leitang ah a lut ding hi taktak ta uh hi. Canaan tawh kinai Kadesh mun ah hong kileh uh a, tua lai giahphual panin Pasion ciam leitang a om mual hoihte galmuh thei ta uh hi. Mite in a lehdo a pate uh tawh a kilamdang uh tam? Moses le Aaron in a sawt loin thei tading uh hi.

NGAIHSUN-IN: *Mawhna hong lut a kipan, Pasion le Satan, kua thu man ding eite' ngeina hi zaw hiam? Pasion i teel theih-na leh Satan sila hih ding sangin Pasion thu i man theih nadingin Jesu in hong kamciamna hangin na lung*

adam hiam? Bangzah-a a lamdang itna a nei Pasion eite Pasion hizen hi!

FURTHER STUDY: Numbers 14:39–45; 16; 17; *Patriarchs and Prophets*, pp. 392–405; *The Bible Story*, vol. 3, pp. 32–41.



© Sean Eichelberger



THE STORY CORNER

Florie' Suahni Pawi - Khen 2

Adapted from *Scrapbook Stories* by Amy Sherrard

Adang khat ah a pai kawm in, Florie in a mi sap zah sim hi. “Khua mulo Mary, Khebai Jamie, leh ateen Nursie sam khin ta hi. Tu in, Amy inn ah pai ni,” ci-in Miss Ann kiang gen hi. “Kei sang amah tawmkhat u zaw deuh hi.”

Adangte sangin inn hoih lo zaw hi. Amy kongkhak ah hong pai ciangin, nakpi taka a kap naungek a tawi kawm hi. Gim tuak leh dah tuak napi, Florie a muh pen lungdam mahmah hi. “Nung kal Sabbath School ah kong pai theih loh, dah mahmah ing. LST kamngah khempeuh ka ngah khith hangin, naungek a cina in ka kep kul ahih man hi,” ci-in Amy in gen hi.

“Zingciang ka suahni pawih ah na nu in hong paisak ding in na um hiam?” ci-in Florie in dong hi.

Tua laitak, Amy nu hong pai hi. Florie banga a dik numeino khat in a suahni pawih ah Amy a sapna hangin a nu nuam mahmah hi. Florie leh Miss Ann ciahkik uh a, Amy zong lungdam in maitai mahmah hi.

Amy inn pan a paikhiaht ciang-un Miss Ann in “Tun koi ah?” ci-in dong hi. Florie in “Mrs. White kiangah pai ni. Tommy omna hi. Amah’n khua za theilo in, zong pau theilo himah leh sam veve ning. Naupang dangte ama tungah thudik ding uh um ing. Tommy in Nursie zong it in teh,” ci hi.

Tommy nu, Mrs. White in sapna a ngah um zolo hi. Zingciang Florie suahni pawih ah Tommy a paipih ding kamciam hi.



Tommy inn pan a paikhiaht laitak un Miss Ann in “Khat om lai” ci-in gen hi.

“Hi mah ei, ahizong inn ciah phot ni” ci-in Florie in khensat hi. “Sapna lai a nunung pen gelh ning” ci hi. Hoihtak-in gelh takpi hi. “Kong it Mrs. Swift, Flora Swift in a suahni pawih bawl nading zingciang nitak nai khat ah hong sam hi.”

Nui kawm sa in Miss Ann kiangah Flora in a lai pia hi. “Hehpihna tawh ka nu hong piaksak in” ci-in huau khiankhian hi. “Eh, nang zong nong pai loh phamawh ahi. Tua ciang, kua teng hong pai ding cih ka nu kiang gen kei o maw,” zong ci lai hi.

Florie suahni pawih ah kua teng pai ding cih a theih loh hangin pawih ading a nu in an hoihtak bawlsak hi.

A zingciangin, Mrs. Ann in Florie kiangah, “Na

lenglate hong pai ta ei” ci hi. Ahun lapin tungkim khin uh a, Florie leh a nu tutna nuam la in, a lawmteng ah anlim mahmah ne khawm ngeingai uh hi.



An a nek khith ciangun birthday cake ne uh a, lengla dona innlim ah a vek in pai uh hi. La sa khawm uh a, a nu in piano tum hi. Avek un kimawl in, lim le laibute en

uh hi.

A ciah uh ciangin, a nuam mahmah pawih hangin Florie leh a nu tungah lungdamko ciat uh hi.

Nitak amau teng bek a om laitak un a nu in, “Bangdia a tuamdiak mite sam na hiam,” Florie dong hi.

“Nu aw, nung Sabbath ni ka siamah nu in, ‘gilkiarte anvakna, khebaite lamlahna, a kisamte huhna’ ah Jesu lungdam mahmah hi, ci-in hong hilh hi. Ken Jesu ka lungdamsak nuam hi. Jesu lungdamsak ding in nong um hiam?” ci hi.

“Itno aw, hi lua hi” ci-in a nu in dawng a, “Tu a nasepdan i sep ciangin Jesu tung mahmah sem i hihna Jesu in gen hi. Jesu lungdamsak mahmah na hih lam ka thei hi,” ci hi.

Lungdam maitai takin Florie in a nu pom pheih a, “hih dan sepna in kei zong hong lungdamsak hi,” ci-in a nu kiangah gen hi. (Beita)



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.